

Pro Svizra Rumantscha

Gì success cun il champ da vacanzas

■ **(anr/gc) La Pro Svizra Rumantscha (PSR), vegnida fundada oriundamein per lantschar ina gasetta rumantscha dal di, ha schlargià ils davos onns pli e pli ses radius d'aziun.** Sia idea è uss da stgaffir punts entaifer la Rumantschia sco era da far talas vers quella d'anora. Per cuntanscher quella finamira ha ella realisà ils davos onns divers projects. Uschia hai dà tras ella insaquants champs da teater per uffants da tut las regiuns rumantschas sco era da la Bassa. 2011 era il dumber da participants dentant sa reduci fitg.

Ins è tuttina restà da la persuasiun che l'idea da rimnar ils uffants durant in'emna da vacanzas

saja fitg buna. Na simpel èsi da tschertgar in tema che po dentant interessar. Ed uschia han ins partratgà l'onn passà vid l'aur ed ils cristals che sa chattan sissum la Surselva: en Val Medel e Tujetsch. Quest champ da chavar aur e tschertgar cristals è stà 2012 zunt attractiv. Na main che 24 uffants da tuttas regiuns rumantschas – cun excepziun da Surmeir – han prendi part. Il champ haja plaschi fitg bain.

Era quest onn in champ a Sedrun

Per quai vegn la PSR era ad arranschar questa stad in champ da vacanzas per uffants rumantschs da tuttas regiuns, che van a lavar aur e tschertgar cristallas sissum la

Surselva. Quel ha lieu dals 14–19 da fanadur a Sedrun ed è destinà per uffants rumantschs en la vegliadetgna da scola (1.–9. classa). Manà vegn il champ da Prisca Berther e Sandro Cavegn. La cifra da participants è limitada a 40 persunas.

2013 è radunanza

La radunanza da la PSR ha lieu ils 17 da matg 2013 a Cuira. L'onn passà era quella crudada ora pervi da diversas circumstanzas. Da la suprastanza è dentant Annalisa Schaniel sa retratga. E sco i vegn inditgà en l'invit, stat la PSR da vent da quest onn sut in nov presidi. Dapi onns vegn ella timunada dad *Arno Berther*, Sedrun/ Sur-rein.